



Pronalazak droge, oružja i municije

Dana 12.04.2021.godine u popodnevnim satima, po prethodno pribavljenoj Naredbi Općinskog suda u Sarajevu, policijski službenici Odjeljenja za borbu protiv zloupotrebe opojnih droga, Sektora kriminalističke policije - Uprave policije MUP-a Kantona Sarajevo u saradnji sa policijskim službenicima Četvrte PU, izvršili su pretres putničkog motornog vozila marke "VW Passat", kao i pretres stana i pratećih prostorija u ulici Saliha Behmena, općina Novi Grad Sarajevo koji koristi N.B., rođen 1986.godine u Sarajevu, gdje je i nastanjen. Tom prilikom je pronađeno i oduzeto oko 200 grama materije koja asocira na opojnu drogu spid, digitalna vaga, pištolj marke "CZ M-57, cal. 7,62 mm sa okvirom i 5 metaka istog kalibra. Također, izvršen je pretres stana i pratećih prostorija u ulici Sulje Jahića, općina Novi Grad Sarajevo koji koristi A.T., rođen 1993.godine u Sarajevu, gdje je i nastanjen. Prilikom pretresa pronađena je i od istog oduzeta jedna puška sa pripadajućim okvirom, bez municije, jedan paketić sa materijom koja asocira na opojnu drogu spid, jedan paketić sa suhom zeljastom materijom koja asocira na opojnu drogu marihuanu i jedna tableta koja acocira na opojnu drogu extazi. Zbog postojanja osnova sumnje da je počinio krivična djela iz člana 238. stav 1. KZ F BiH (Neovlaštena proizvodnja i stavljanje u promet opojnih droga) i člana 74. ZONDINOM-a Kantona Sarajevo (Posjedovanje vatrenog oružja bez odobrenja nadležnog organa), N.B. je lišen slobode, dok je A.T. lišen slobode, zbog postojanja osnova sumnje da je počinio krivična djela iz člana 239. stav 3. i člana 371. stav 1. KZ F BIH (Posjedovanje i omogućavanje uživanja opojnih droga i Nedoovoljeno držanje oružja ili eksplozivnih materija). O navedenom je obaviješten dežurni tužilac Kantonalnog tužilaštva Kantona Sarajevo, a isti su predati u prostorije Jedinice za osiguranje objekata i zadržavanje osoba lišenih slobode MUP-a Kantona Sarajevo. Nastavlja se kriminalistička obrada nad navedenim licima.

13.04.2021

